















叙

戊子春正月余遊閩嶠寓芝山蘭若獲交山陰余元聞一日  
論有明崇禎帝之謚法遂出其先生父武貞公秦疏暨遺稿  
見示中有辨愚烈謚號一書極光明正大而其謚為毅宗正  
皇帝者是先生一人之碩論也先生諱煌字武貞登天啟乙  
丑進士為殿試第一人入史館直諫敢言捧讀之下令人想  
見古大臣遺風第運丁陽九不獲展其大有為之志可嘆也  
元聞因手一書觀其標目曰臺灣外志紀我

朝新闢臺灣海外從來有土地以及季海工鄭氏事最詳筆力古



勁雅有龍門班祿風及詢作者姓氏里居始知為江子東旭  
撰余因嘆曰江子負有此才不獲纂脩史館而乃淪<sup>況</sup>草野  
成一家言以自見其亦勞瘁矣乎江子為歐閩士性嗜古文  
詞不拘章句孝幼從其先人遊宦<sup>官</sup>嶺表悉鄭氏行事因編次  
其所見聞脩他日史官採取其用心良苦而因事直書褒貶  
積歲月以成<sup>以</sup>子原無<sup>磨</sup>心於其間也按鄭芝龍投誠後其  
子成功據臺灣海島故明王孫相依為命者垂數十年至癸  
亥歸順又有寧靖王從容就義至五姐亦從之死江子獨斷  
以成功台灣之踞是寧靖王而踞也其卓識堪附紫陽之末



且其間忠臣孝子義士慈孫與夫閭壺之節烈罔不光如日  
月即當日公侯將帥入其門不啻數十輩而鄭氏遂應五代  
諸侯之讖可謂奇男子江子今為之表彰不致海外荒服年  
久湮沒人皆謂大有功於鄭氏而不知其有功於忠孝節義  
者為更多哉故讀是編者可以教孝可以教忠可以教義閭  
閻聞之亦莫不油然而生節烈之心有功名教良非淺鮮異以  
之登對

大廷備史氏之闕文江子與是書不朽矣余不敏謹為數語以并  
其端



漢陽同李弟彭一楷拜手題



叙

天之生才豈偶然哉生是才必有所以用是才然生才不一  
或隆以南面百城或置之衡門泌水又甚者拂亂顛連無以  
自立不可謂如彼者天生之天用之可以見才如此者天生  
之未嘗用之不可以見才也蓋必至是乃所以定之動忍使  
之奮發有為名當時傳後世加厚之以無容湮沒者也吾友  
江子東旭其先君當於勝國之末嘗統散萬兵見天命有在  
歸誠我

清朝改武為文授州府之職東旭為幼子最所鍾愛晨夕左右不



離習知時事強記博聞疎財重義四壁蕭然噫以如是之才  
際用人不次之會咸謂其必有合也奈何命與時違歷落卑  
騷所如不偶行多坎坷緣與友人計畫無如數何歎為鶯鳴  
義俠及成雀角謗疑搆訟歲月徙倚縣庭因著台灣外志一  
書其書專為鄭氏而作始終偉男子然以我

朝視之則固勝國游魂海隅窮魄者律以犯邊梗化夫復何辭作  
史者當

聖朝全盛之時犯邊島竊踞之跡使孤忠遺憤獲伸於光天化日  
之下不憂之乎其難哉今是編所紀鄭氏於不忘故國也如



睹聞百粵天威咫尺之誠於其接遇王孫也如見相依為命  
保護備至之誼忠肝義胆赫々如在目前至叙

今皇帝之殷憂南顧義撫義剿六月興師而鄭氏賓服台灣底定  
殆亘古未有一統之天下也非江子才孝素優而抱卓絕之  
識者焉能辦此哉如寧靖王之就義從容五姬從死與夫忠  
臣義士閨壺節烈者尤憐々三致意焉江子豈獨脩史氏之  
三長抑其有功於名教立頑起懦不朽矣是為叙

三山弟岷源陳祈求江大蘭香山仝拜題



叙

余司鐸南詔於乙丑春獲交珠浦江子東旭蓋循々然重厚  
博物君子也嗣出其所輯台灣外誌幾十卷而囑叙於予予  
讀其書起明季擁衆紀戎

朝歸順垂六十年其間島嶼之阻絕城壘之沿革鎮弁營將忠義  
背逆以至

朝廷之征討招徠沿海之戰征區畫靡不庶羅博搜瞭如指掌間  
乘之大覲班馬學文正也蓋雲淪之作史有三長曰才曰學  
曰識非具曠世之才者不能折衝千古驅策百家非負蓋世



之季者不能參稽明脩討論精詳至其權衡結系斟酌褒譏  
之得宜尤非抱卓絕之識者不辨也故作史難而作偏隅之  
史為尤難考成功以有明賜姓遯竄台灣奉永曆故朔三十  
有七年蹟其仗義執言全髮守節庶幾齊田橫遺風不可謂  
非明太祖非著明之始所以著鄭氏之始也首誌顏思齊所  
以著鄭芝龍之始又所以誌開台灣之始也成功賜姓弱冠  
書生半旅之師踞金厦島彈丸之地抗天下兵可不謂雄乎  
審時度勢效虬髯所為遁跡台灣存明故朔父子祖宗相繼  
四十年終明之世僅見一人其間立心之誠偽謀畧之巧拙



部伍之嚴肅將帥之勇駿賢臣隱士之遺跡勝朝宗室之潛  
寓義士忠臣烈女節婦凡有所見筆於書及至施侯奏功鄭  
氏歸誠寧靖王盡節五姬殉難東旭此書以台灣之踞寔為  
寧靖王一人而踞寧靖王死而明絕其卓識宏深誠足千古  
噫東旭非構訟感憤徒倚縣庭安得此書而傳於世太史公  
稱西伯演易孔子春秋以及離騷國語兵法呂覽說難孤憤  
詩三百篇大抵聖賢發憤之所為作也東旭具如是才成此  
一家言豈非天使之名當時傳後世加厚之以無容湮沒者  
乎較之南面百城其見才為何如耶余讀是書不能嘿々爰



叙其所作之由

雲陽誼教弟鄭應發頓首書





自叙

歷稽

帝業之正莫我

世祖章皇帝也

世祖當甲申之變整提一旅戡亂除殘應

天順人承繼大統而有天下以及今

上萬國賓服惟鄭氏臺灣與二三故老遵奉舊朝孤臣海外特波

濤之險來往倏忽騷擾遑疆費

朝廷無數金錢以至遷移五省宴動南顧之憂者四十年其間



英傑歿於王事者指不勝屈是殺運之未盡故也迨至殺運  
告終

盛世將見天必生散金之姚公以撫之施侯六月興師果敢在于  
人謀一戰決計見机體乎天意遂將臺灣荒服之土地為

朝廷收入版圖四海歸一焉但成功髫年儒生能痛哭知君而捨  
父克守臣節事未可泯况有明裔之寧靖王從容就義五姬  
亦從之死是臺灣成功之踞亦昭烈之北地王然故就始末  
廣搜輯成誠閩人說閩事以應纂脩

國史者採擇焉

昔

康熙甲申歲冬至後三日九閩珠浦東旭氏  
江日昇謹識於雲陽之寄軒





鄭氏應識五代紀

鄭芝龍

字飛皇福建泉州府南安縣石井人封平國公加太  
師投誠封同安侯日本國娶翁氏繼娶顏氏生四子  
恩蔭渡襲

鄭成功

芝龍長子名森字大木南安季生員芝龍引見隆武  
賜姓朱名成功欲令其父領名思義初封忠孝伯宗  
人府府正照駙馬行事佩招討大將軍印后永曆封



漳國公繼而晉封延平王妻董氏雷廉道董容先長  
女生子十長錦也即經聰明睿知寬裕溫柔發壽三十  
九卒於臺灣

鄭經

成功長子字元之妻唐氏尚書唐顯悅女孫無出陳  
氏生子六壽三十九卒于臺灣

鄭克塽

經長子當甲寅變經乘釁西渡仍踞金廈各島允陳  
永華請令其在臺監國大有才能剛正果斷見疾諸

鄭克塽

叔迨經死馮錫范諧諸叔以螟蛉說董國太共謀殺  
之年一十八兵民嘆惜妻陳氏永華女翰林陳夢球  
妹進士陳還之姑從容盡節

夢球字二受正白旗康熙  
熙甲戌科陳返正白旗康熙科

經次子投誠封正黃旗漢軍公妻馮氏漢軍伯白旗  
錫范之女

例言九則

一是編之作首起明太祖者因鄭氏祖墓不毀於江曼侯而  
有神護推其源耳



一是編提出李闖陷北京馬士英專權誤國而又不詳其說者自有明史在不過引為接脉作鄭氏末節之說

一是編原為鄭氏應出五代諸侯為故明嘆氣之前識其鄭氏將帥即為鄭氏一時用紀其一時用之事或戰或敗書其寔也不似水滸諸傳某人依某甲狀若何戰數十合數百合之類点寫模樣炫耀人目以作雅觀

一是編當甲寅之變耿尚吳三家有關於鄭氏則為之述如無關於鄭氏自有國史在故不預說

朝廷修入版圖設為郡縣以垂萬世

一是編歷有年所如

國朝從

龍定鼎奉

命戡亂諸英傑不為諱名直書倣列國三國體義非

敢褻諸公益以重之使著名而垂不朽於萬世

一是編於鄭氏歷有年所有征戰事蹟頗多亦難枚述今就其閑要者纂成覲者諒之

一是編句旁用圈點至人名地名俱用旁畫不致混亂以便  
覲者之讀

一是編於明紀或本末或編年或遺聞以及定鼎奇勲諸書



廣為搜輯而成以備風採

音

嘉慶辛酉六年仲夏六月朔日謝氏修輯

第一卷

一回

獲地脉周侯留穴

震石文鄭氏應識

二回

過東洋一官結婚

聚群雄思齊謀國

第二卷



三回

臨盆翁氏夢鱷魚

醉後李英漏机関

四回

思齊脱难踞臺灣

一官問震連得艾

第三卷

五回

合衆共結十八芝

感恩惟憑一封書

六回

鄭芝龍拂意仍歸海

芝豹獻計密登山

第四卷

七回

洪先春陳兵受敵

鄭芝龍臨陣義釋



八回

芝虎芝豹双叔将

希范咨臯連喪師

第五卷

九回

熊文燦再令招安

鄭芝龍受撫防海

十回

芝龍誓師斬魁奇

芝鷄送圖說日本

第六卷

十一回

芝龍延師教子森

雲蒸守義陷賊香

十二回

用火攻荷蘭喪胆

叙戰略南澳顯爵



第七卷

十三回

紅毛據臺灣築城

閩賊陷北京僭位

十四回

應天命伐罪登極

承舊基立王嗣統

第八卷

十五回

史可法舟楊殉難

馬士英舉國逃亡

十六回

貝世子乘勢渡江

張國維倡義監國



第九卷 十七回

芝龍鴻遠扶唐藩

道周何楷爭班位

十八回

鄭森陞見賜姓名

道周請旨兼師相

第十卷

十九回

明堂里道周被擒

五福関傳魁解職

二十回

黃道周揮毫受刑

鄭芝龍得書放関



第十一卷

廿一回

成功哭諫走金門

貝子歛札勒北上

廿二回

式耜立王肇慶府

成功會師桃花山

第十二卷

廿三回

五志士願死泉土

三大人應識同安

廿四回

成功密計併鄭聯

鴻達感舊縱得功



第十三卷

廿五回

成功斬叔親無私

施郎執法身惹禍

廿六回

郝文興舉城歸海

馬達知棄營入漳

第十四卷

廿七回

成功圍漳塞鎮門

金礪搶閩提古縣

廿八回

郝尚久反潮請叔

諸宗室至廈札遇

第十五卷

廿九回

葉阿二大人招撫

世用單遣將猷城

三十回

滾芒龍有虞死難

一蓬風臣興投降



第十六卷

三十回

成功棄節地毀諸城

貝勒進師遇暴風

三十二回

成功揮文祭蘓茂

黃梧見机獻海澄

第十七卷

三十三回

成功率船圍福州

亮工料敵授王進

三十四回

諸鎮將密布矯陣

衆叅軍條陳机宜

第十八卷

三十五回

何斌探水臺灣港

成功冊封延平王

三十六回

馬信繞道陷瓜州

金斌乘勢奪鎮江



三十七回

成功統衆犯江南

化鳳挖城破重圍

三十八回

甘輝執義不願降

達素奉命即調師

第二十卷

三十九回

磔陳鵬廈門無恙

密獻策臺灣可圖

四十回

借水服衆開疆土

以火焚身完臣節

第二十一卷

四十一回

密陳五省盡迁移

分遣諸將成開墾

四十二回

詭報喜覽啟觸怒

覲祖訓憤懣憂身

第二十二卷



四十三回

黃昭矯遺言扶襲

繼茂動懷柔撫經

四十四回

奔喪蕭拱宸拒敵

臨陣周全斌棄舟

第二十三卷

四五回

縊鄭泰文武投誠

換戰艦得功受難

四六回

鄭經乘敗回臺灣

率泰大捷棄諸島

第二十四卷

四七回

施琅有志未遂愿

望忠感恩倖全功

四八回

建聖廟永華設教

練兵船洪旭脩禦

第二十五卷



四九回

江勝五市廈門島

元章招撫臺灣城

五十回

督撫前後請展界

明蔡來往復招撫

第二十六卷

五一回

甘輝領衆據達濠

鄭經接書過廈門

五二回

趙得勝首獻海澄

王大人定計斬將

第二十七回

五三回

黃芳度折矢受封

劉進忠遣使納款

五四回

尚之孝統兵圍潮

劉國軒列陣破敵

第二十八卷



五五回

馮錫範師攻漳浦

趙得勝戰投黃崗

五六回

沈尚仍謀再恢復

鄭耿通使兩交好

第二十九卷

五七回

何祐大戰百子橋

進忠矯信鯨切山

五八回

鄭經統師圍芳度

陳驥率衆叔許耀

第三十卷

五九回

吳淑密獻漳州城

芳度自墜開元井

六十回

苗之秀逼降夫人

劉進忠尾追固山

六十一回



六二回

吳淑借道襲汀州

應龍知信獻興化

第三十二卷

六三回

楊德刑納款邵武

黃應蕭探戰定海

六四回

烏龍江許耀大敗

邵長橋吳淑失守

第三十三卷

六五回

進忠風聞棄汀州

鄭經接報奔廈島

六六回

董國太執法斬將

康親王遣使招撫

第三十四卷

六七回

馬三奇片書勸降

劉國軒單騎歸海



六八回

喇哈達開城解諭

段應舉奮勇決戰

第三十五卷

六十九回

劉國軒三寇江東

郎廷相兩省調兵

七十回

林陞戰勝赤嶺埔

國軒計賺灣腰樹

第三十六卷

七十一回

江勝截殺祖山頭

應舉師潰海澄縣

七二回

姚啟聖總督福建

劉國軒全通海渠

第三十七回

七十三回

吳淑智踞燈火寨

應舉節全西樓城



七十四回

劉國軒分軍圍泉

喇哈達提師繞道

第三十八卷

七十五回

劉國軒大敗漢西

姚啟聖應敵江東

七六回

啟聖開設脩來館

國軒預守果堂寨

第三十九卷

七七回

五虎門陳諒大戰

諸鎮將士愷投誠

七八回

永華請元子監國

國軒啟潯尾築城

第四十卷

七九回

蘓鑣申約說鄭經

正色奉命領水師



八十回

楊授攻破東石寨

吳淑勇據坂尾柵

第四十一卷

八十一回

啟聖遣使請荷蘭

國軒平騎衛鄭經

八十二回

施明良泊風遭殺

萬正色設禦破敵

第四十二卷

八十三回

國軒連棄十九寨

啟聖全復諸海島

八十四回

朱天貴計劫興隆

陳永華日接殭使

第四十三卷

八十五回

馮錫范籌畫毀城

鄭克塽奉委秉政



八十六回

臨危托孤劉國軒

假病受害諸公子

第四十四卷

八十七回

陳夫人從容盡節

鄭克塽推舉嗣位

八十八回

平海施琅受机宜

謀降朱寿首始末

第四十五卷

八十九回

不越礼沈珽讓吊

重夫義鄭氏就死

九十回

國軒出守澎湖島

何祐脩禦鷄籠山

第四十六卷

九十一回

施琅密疏請專征

葉明分旅平土番



九十二回

施琅禱天得甘泉

鯉魚應數死澎湖

第四十七卷

九十三回

施琅乘南風東征

王輝不惜身西敵

九四回

丘輝乘澎湖攻擊

施琅收軍中紀律

第四十八卷

九五回

天貴招降死虎井

林賢拚命併猫嶼

九六回

五輝諸軍沒澎湖

國軒祝神走吼門

第四十九卷

九七回

施琅發令撫諸島

吳儭悔失憤自刎



九八回

劉國軒敗績陳情

馮錫范計議逃宋

第五十卷

九九回

劉國軒全地舉降

朱術桂五姬從死

一百回

統兵船誓師無染

設郡縣教化萬年

目錄終

古閩珠浦江日昇東旭甫輯定





第一回

獲地脉周侯留穴

震石文鄭氏應識

詩曰

盤古初開日

唐虞繼盛世

三王稱治時

戰國各相持

兩漢分吳魏

五胡亂晉基

世民除暴亂

宋祚金元移

話說明太祖朱諱元璋字國器濠州人

今江南鳳陽府於元至正七年自

和陽起兵渡江收納英傑驅除羣雄至戊申歲即位金陵改稱南

京今江南省馳逐一十六載始廓清宇宙方命江晏侯周德興設立衛

所安插有功將士德興從山東登萊青莒由浙江寧紹溫台等處  
會同有司酌議踏勘設置分封迨入閩至泉州建永寧衛過石井  
安平地方見龍勢飛騰山環而相顧水潮而有情旗鼓顯耀印劍  
生成徊徘徊瞻玩憶奉命時曾受密旨斷沿邊孽地今觀此地應為  
開却遂傳南安知縣楊廷志取討人夫備鋤鍾是夜德興忽夢二  
人跪告曰公奉旨勘踏地脉斬除孽穴適見此處飛騰踴躍疑感  
於懷欲為開斷以消國患但此地發脉於臨汀起伏於紫帽蟠騰  
**跳**現寔歸安江其左輔右弼氣象萬千上帝業命余保護此地以  
俟後來之有德者莖其中應出五代諸侯為國朝嘆氣幸勿輕斷

以違帝命謹記謹記

評曰今古盛衰皆有數聖明空算滿盤棋雖然識得機關起三尺冥冥自主持

是時德興驚覺漏方三鼓細思此夢甚異明是此處山神奉上帝命在此守護求我勿得擅開後來當出五代諸侯為國朝嘆氣輾轉思維當再為審詳酌奪次早德興按夫役親登嶺上遙望波濤洶湧山勢嵯峨發蹟環繞不但尖圓秀麗氣概雄壯及山盡水盡愈玩愈有意味再步山巔見大石鐫海上視師四太字傍采朱熹



書訝曰先賢業有明鑒此乃天數不可違逆徘徊而下散其役至  
同安設高浦所濬一井於來龍之白鶴山上深十餘丈鎔化銑鉄  
千觔傾入井內其所前有大石二十八塊每石令石二分劈兩岸  
片諺曰白鶴山珠與紫誰人墓得着於是渡江置金門所即梧州中左

天下管一半故德具有是舉

所即廈門又建鎮海衛以及陸鰲懸鐘銅山諸所畢會軍門請旨  
分給有功衆士然後從潮惠建衛所入廣東設置回京復命

按此地宋朱熹初除同安縣主簿經過此規鴻漸山木星挺秀  
喜其地迨至山頂見五馬脫氣遂令石匠勒海上視師四字後  
此地被鄭達德遇異人寥明為之指塋名五馬奔江傳至其孫

紹祖 芝龍父 充泉州府庫吏

按江夏侯周德興建銅山所城，設四門而塞其北。從未有發科甲者。至巡海兵隘道蔡潮點軍至銅山，見北門不開，哂江夏侯之未全識也。理當開以收逆水，令人挖之內鑿一石，書四大字云：遇潮則開。潮嘆服曰：侯真神人也。從此銅山人物濟。

是年萬曆甲辰三月初十日，春暖融和，天氣清明。廈門忽爾雲霧四合，雷電燦爛，霹靂一發，海渚闐闐。一石石中，穎篆鳥蹟識者文曰：草鷄夜鳴，長耳大尾，啣鼠千頭，拍水而起，殺人如麻，血成海水。揚眉於東，傾陷馬耳，生女滅鷄，十倍相倚。志在四方，一人也。再庚

小熙皞太平伊始人咸不解其語十八日辰時芝龍生其母黃氏  
夢三婦人引紅霞一片堆於懷徐而採抹地表名一官戊申一官  
歲五紹祖送啟蒙取名國柱頗聰明庚戌一官七歲讀書放午歸  
於途戲石過墻誤擲太守蔡善繼紗帽失驚遣人拏入紹祖始為  
免巾請罪善繼見一官眉目清秀氣宇軒昂贊曰此寧馨兒也賞  
而釋之



第二回

過東洋一官結婚

聚群雄思齊謀國

天啟元年辛酉一官十八性情逸蕩不喜讀書有旅力好拳棒潛往粵東香山尋母舅黃程程見雖喜但責其當此富歲正宜潛心無故遠遊擅離父母一官答以思慕甚殷特候起居非敢浪遊程留之至天啟五年癸亥夏五月程有白糖奇楠麝香欲到李旭船往日本遣一官押去然前日本與今不同今之日本九船隻到港人都入在班中拘束不許四處散歇交易只許六十萬兩各船推開數足將所餘貨物發返給水米蔬菜駕回昔之日本最敬唐人

凡各洋悉唐朝與  
通故稱中國合唐人

船有到岍只有值日庫街楸顏公司貨物其餘搭

客暨船中頭目夥記貨物悉散接居住轉為交易婦人雖跣足蓬  
頭而姿色羞花宛如麻姑仙女且頭髮日二梳洗薰以奇楠不似  
中國抹以香油也凡客至其家最敬者或茶或酒杯盤必以頭髮  
擦之然後斟而送客余味其奇楠氣味尚黏齒頰芬香所以抵日  
本者老成亦被迷墜况一官在方剛之年亦是天數該然亦繩繫  
足本衙有倭婦翁氏倭日本別號年十七天嬌絕俗美麗非常見一  
官魁梧奇偉彼此神交第不得即為妻並一耳一官遂聘之合卺  
後隔冬住下

凡洋船乘風而未回者即曰隔冬

時有福建漳州府海澄縣人姓顏名

愚齊字振泉年三十六身体雄健武藝精熟因官家欺陵揮棒斃  
其僕遂逃日本裁縫為生居有年積蓄頗裕疎財仗義遠近知名  
是年天啟四年甲子夏唐船販日本者甚多愚齊與亦販財副楊  
天生字人英年三十泉州晉江人也算法精敏最熟大刀且言語  
便捷桀黠多智朝夕盤旋遂成冰乳一日偶飲微酣愚齊嘆曰人  
生若朝露耳若不揚眉吐氣虛度歲月羞作翫體丈夫天生曰舜  
何人也予何人也有志者若是長兄有此雄畧何愁久困以余度  
之此地可圖愚齊曰吾亦有心久矣其奈力微何天生曰先以得  
人為要第當憑三寸不爛之舌鼓動各船之杰者尊拜長兄為盟



主然後徐々說之則事成矣思齊曰此非吾弟不可事成富貴與  
共聞李德船中有一姓洪名陞為人慷慨豪邁甚好藤牌天生曰  
與弟最厚字宋卿年二十六係興化府莆田縣人其祖至同安因  
而在同住家藤牌正跳七尺倒跳一丈思齊曰此人當格之天生  
曰彼亦極慕長兄名譽二人談得投機至晚方別次早天生邀陳  
勳同到張弘船中弘字大泉之惠安人剛直勇敢能舉五百觔青  
石遍行教場一回面不改容號為鉄骨張弘適陳德林福字振祖  
手足便利渾號深山猴善使標鎗炮火同安人天生叙談之際就  
提出拜顏振泉為盟主衆咸善焉林福舉李英莊桂楊經三人義

俠秉紀舉林盟黃碧張輝王平黃招五人福即同天生往招李俊  
臣臣諱明漳之南靖人風流灑脫甚精鉅頭俊臣許諾天生等四  
於途遇鄭一官與何錦天生招之一官舉高貫武藝超群並余祖  
方騰許媽黃瑞即唐公張寅傳春劉宗趙鄭玉等共二十八人於  
六月十五日大結燈綵香花牲犧列齒序行以鄭一官為尾弟禱  
告天地雖生不同日死必同時之語畢燒化紙錢衆拜振泉為盟  
主大開筵席暢飲而散自此之後親契友愛勝于同胞惟天生每  
用挑撥諸人說日本地方廣濶上通遼陽北直下達南閩粵東交  
趾真魚米之鄉若得佔踞足以自霸陳衷紀陳勲張必洪陞高桂

五人咸動心向振泉謀曰天生所言誠是大哥不可失此機會振  
泉曰公等為兒戲然奪人之國豈我數人而可洪陞曰非此之  
謂未知大哥若何大哥意若決則諸人立呼可應毋煩週拆其餘  
當徐徐誘之則大事成矣振泉曰事當秘密覘人而言倘一造次  
性命攸關諸人領諾而去



第三卷

第三回

臨盆翁氏夢鱷魚

醉後李英漏机関

却說洪陞張弘楊天生既得恩齊寔意欲往李明船中途往砲臺  
前經過見守臺倭番整肅嚴謹火炮齊備天生猛省一驚顧陞與  
弘曰砲臺如此嚴謹恐難下手陞笑曰砲臺嚴謹不過見我們船  
欲起身加意提防耳何足介意天生曰君既胸有成算試略陳其  
概陞曰兩營倭番不過百有餘人所恃者惟數門大炮以弟愚見  
每臺只用胆勇者五六十人或清晨或黃昏乘其交易無備時衝

入將守臺者砍倒炮車扭轉放數門彼知所恃者已為人奪安有  
戰心另擇一位勇猛者統人從中趕殺再分百人兩邊放火喊殺  
即可得矣天生點頭曰所見畧同遂到明船與高貫李英傅春等  
相議英曰不乘此時齊集舉事更待何時弘曰言之誠當不<sub>然</sub>日  
波浪馳逐乎天生曰返<sub>還</sub>須與大哥酌定衆曰然同到思齊寓所天  
生述衆意勸速舉事齊曰凡事當料已料人方保萬全不可苟且  
倘畫虎不成反類狗耳天生曰公所慮者恐人心未一齊曰然天  
生曰俟十二日弟設數席請諸位令其書名押號并密約策應  
脩敵之計齊曰此最要着賢弟宜亟行之十二日天生設席請二

十七人咸至依序而坐酒半天生向裏紀曰今歲我們船隻不知交易幾多貨物配搭幾多篋金計搭幾多

本出日金樣如篋故曰篋金金色八成

板銀計搭幾多何船得利何船虧本裏紀曰別船不知就小弟船中計算虛頭多約獲利無幾天生曰冒波濤而涉風險不能得利亦就難了果卿生理却好奈此中抑勒不與我們親自交關憑他當事掣肘京客尚有三年不得貨者

日本係埠頭其首亦稱曰京離日本三個月路

子大突曰我們出於千波万浪之中反為倭奴束縛將几間板屋放

一把火大家焚了罷怕他錢銀不是我們的

日本之屋悉係木板所為

天生只管搖頭裏紀曰長兄不必搖頭子大之言大都不錯弟亦



有心久矣苦無頭領提調耳今日大哥在衆人此協力衝鋒破敵之事弟獨任之天生曰二位酒言我們至此頂履別人天地休作見戲齊曰幸座中都是我們若有外人豈不惹出事來袁紀曰小弟之言寔出肺腑並非醉語果卿曰人貴遠志耳碌碌何為凡在座聽我一言衆曰謹聽鈞諭果卿曰今日此會寔乃天緣生於中國而獲聚一島况大哥德望素為人所欽仰共扶為主乘時踞此同享富貴何如衆大喜曰是天生果卿即斟酌一杯禱告天地曰座中諸位苟有異心者天其殛之禱畢又斟酌一杯共扶恩齊上座環跪曰今日之事大哥主之富貴與共生死勿替若有遺約者鳴

鼓共誅惡齊曰諸位莫非醉語何爾莽若是天生曰大奇勿太執  
我們所言寔從心出今日化家為國在此舉取禍殺身亦在此舉  
幸為主決莫作婦人之仁惡齊曰賢弟今日醉言恐明朝醉醒悉  
都忘却豈不悞事天生曰應主箇規矩方可果卿曰有單在此衆  
人各書名僉號以調度衆欣然曰言甚有理遂各授名下書押畢  
遍與惡齊曰愿聽約束齊曰齊寔不才因一年之長既蒙所推九  
事當聽吾言共成富貴衆咸曰再無反悔即赴湯火亦所不辭飲  
至三鼓方散甫出門見天昏地黑雨箭風刀飛沙走石鼓浪具波  
令人震怖天明聞說海中濤裡有物長數十丈數十圍而眼光爆

似燈噴水如雨出沒翻騰鼓舞揚威勢不可當通國集觀咸稱異焉閱三晝夜方息空中恍有金鼓鼓香氣達街衢翁氏正在肚痛昏迷之際夢同衆岸上覩大魚跳躍對懷直冲驚倒醒來即分娩是男一官聞之不勝喜躍方扶在氈毹綿上坐忽聞四處喊叫救火一官忙啟戶視之見衆齊立門首作躊躇狀問曰列位火在那裡起衆曰都見是尔家失火故群來救至此乃無豈不怪異一官曰我家裡那裡有火起是拙荆臨盆灯火射出衆方知翁氏生子齊向作賀曰令郎必有大貴我們眼見毫光達天非恍惚也一官謝不敢衆散出翁氏忙問一官曰外面何故這般喧嚷一官曰衆



見我家失火一齊來救恰至門首又不見火追我出門疑是灯火  
映光衆咸說分明是見尔家火光燭天後知我得子對我恭喜了  
纔散去翁氏曰此亦奇異我方纔肚痛絞之時略定睡去即如日  
在岼工看大魚一舩搖擺翻騰冲我胸中驚倒醒來遂產一官曰  
想此兒必有好處當秘之善為撫養正秋七月十四夜子時也一  
官自生子見火光耀室夢中之奇心暗喜焉思齊率衆拜賀過三  
朝十二日思齊遣人請一官至寓叮曰此番舉事惟汝年輕須慎  
言語切勿輕漏於婦人之耳一官曰大奇不必過慮丈夫作事自  
有定見豈肯向兒女噉齊曰如此足見賢弟年少練達忽天生

果卿至問一官曰數日忙甚姪想都垂巧一官曰月裡孩兒聊且  
過日天生曰這就是好但弟婦面前此事不可與知齊曰今日正  
為此事特請他叮囑恐其年少失於檢點倒亦老練矜持果卿曰  
如此終是丈夫所為一官曰事貴神速恐耽延日久人多悞事齊  
曰總在八月間矣天生曰業已通知各位一應繚路帆蓆收拾齊  
備乘秋潮將船悉放浮水所有柴米蔬菜加倍配足使倭番不疑  
船中軍器炮火全賴果卿與子大二位調度其中路統衆併上將  
軍衛者果卿奪砲臺領人釘砲者子大搶入東砲臺督人扭轉炮  
車放砲者俊臣由東南率衆喊殺者莊桂其陳勲從西北角抄入

放火喊殺大哥與一官領一隊沿海接應小弟與李英統人分路  
接應其調度各船杉板預備者楊經派定在單大哥可着人傳諭  
期在八月十五早悉齊接單閱完將軍交一官令他前去密傳一  
官隨到各處通知調度八月初四日各船悉放落港心整頓收拾  
靜候十五日舉事十三日楊經壽誕衆脩禮作賀經留衆飲獨李  
英酒多乘醉而歸倭婦王氏接入殷勤伏伺於情濃之際英將十  
五日欲併國王事悉吐露焉王氏曰炮臺兵許多炮又大如何做  
得英大笑曰汝真癡婦我們這些唐船就許多人又舊唐人多少  
来往者唐人在地居住者稱舊唐人合作放火的放火佔炮臺的佔炮臺幾個兵何



足介意但汝勿驚慌王氏曰有爾作主我豈驚慌遂與英槌擦昏  
昏睡去天明英忘却醉後語梳洗畢出門調理諸事王氏即請伊  
兄六平到家將英夜間所言一一通知囑其收拾貨物以免臨時  
慌張王平六者倭之開戶  
行有心人也忽聞此言而自度此輩做起其害匪淺出首  
為是就詭應曰我就收拾忙轉身到值日街尋值日何必登平六  
曰爾可知這裡這些唐人做得勾當麼登曰不知汝何這樣慌張  
平六曰唐人結黨約在明朝就欲焚殺奪登併曰汝有何據而知其  
詳平六將李英昨夜酒醉對伊妹之言細陳登曰果有是事速令  
爾去見當事以便啟奏國王

第四回

鬼斧脫難踞臺灣

一官問天連得莢

却說必登帶平六到當事家楊復門首問守門者曰裡面有誰在  
守者曰翁翬皇在裡面登曰可有唐人麼答曰無登囑平六汝且  
暫站我先去報明終來叫汝平六點頭登入楊復望見問曰尔今  
日值日來此怎麼登曰有要話欲回復曰有甚話這等要緊登曰  
可有唐人在此沒復曰只翬皇尔我三人登曰此就說亦無妨遂  
將平六所言伊妹始末一一陳說復曰如今平六呢登曰現在門  
首復曰叫他進來必登出喚平六入見復曰是如何做事尔爲知

其詳當確實有據不可妄生枝節平六曰我原不知情因李英是我妹夫昨夜乘醉歸來與妹說其始末囑勿驚慌故此舍妹早間喚我過去商量我想知而不言罪同叛逆特來出首復曰是我此數日見唐人脩辦物件收拾器械與往歲不同今汝妹之言大約不虛此乃土地之靈王上之福翌皇尔且回去別日來清賬尔亦外面打聽我領他去啟王翌就辭出忙走到家見一官抱孩兒同兒女在氍毹綿上玩耍

翌皇翁氏父一官夫人也

忙曰一官不好了尔們唐人做

**時**勾當被李英妻舅王平六出首終去啟王就有兵出來拏拏汝速下船逃生一官聽見魂不附體飛跑出門恰轉西洞撲面遇天



生果卿子大三人一官忙捏於旁曰不好了事已洩漏王兵即出  
可快傳下船逃走我或去報大哥三人聞說就分去轉傳各人一官  
奔思齊寓中正遇陳襄紀蒞桂高貫余祖何綿傳春在彼計議忙  
曰我丈人來說王平六出首事已敗露王兵即來擒拏快些下船  
齊曰汝們快去傳說各人速下船只陳襄紀傳春二人同一官思  
齊各執大刀奔至海邊見唐人紛々亂竄正十四日未刻秋潮已  
漲各船杉板及本處花葉日本小悉漂泊岸邊思齊喚衆人下船都  
各爭先急搖到大船上起旋起帆當慌忙之際遙見倭兵四出擒  
拏乃是楊復帶何必登啟王王傳鎮國將軍到正在疑惑間欲差

人來喚李英訊寔而四處值日見唐人鼎沸飛報造反王隨傳齊  
兵馬盡出撥將前去謹守砲臺聞砲放打唐船岸工有走不及者  
或走至海墘無船者有群爭上船而船已覆者有得上船而急搖  
者思齊喊招快來相杉板開駛出口思齊一船正要開頭砲臺工  
火砲連發倭人亦慌忙兼之潮落風又微順各船亦悉轉頭坐潮  
緩而行雖砲聲不絕却無壞船一箇時辰船咸出口思齊站在  
尾樓上見將到州仔尾令人放砲打招旗傳令今晚暫泊此處議  
事但思齊既幸脫虎口船不急去而就泊港外豈不虞倭人出追  
乎日本因前犯浙閩粵東三省邊界

明季之防倭者是也

擄掠陷

城總制胡宗憲令大將戚繼光追捕剿殺殆盡所剩者可數國王  
從此將大小船隻去艍以絕不肖倭人出洋作反思齊思之熟料  
他船缺舵難以追趕正傳泊諸船聞號砲悉一條鞭停住落旋各  
搖杉板到齊船中齊接衆人工船互相安慰畢乃曰幸脫此險不  
知諸位兄弟可有失落否天生曰都下來了並無失落齊着圍坐  
遂曰只差一日就得成事莫非天意若不是一官通知幾乎遭難  
此亦列位福氣但不知何由得知一官曰是我夫人往楊復班中  
算賬何必登平六出首說是李英兄被酒漏言英嫂對伯平六說  
囑渠收拾貨物因此平六得知出首楊復着我夫人且回他就去



啟王我夫人飛跑來家叫我快走出門就遇陞兄他們三位方說  
與知分頭通報因此得脫齊問李英昨夜如何與弟婦說英曰醉  
了亦都不知有說甚話果卿曰醉後失言往往有之今悔莫及且  
速商量退步齊曰出來共多少船隻天生起來點算共一十三隻  
齊曰當各分配支更聽吾號砲一齊放洋暫到舟山再作商量衆  
紀曰舟山無用到舟山人人都散了人散則孤立難以濟事依小弟  
管見將此十三隻船勻配約束乘此秋風直駛臺灣安頓天生曰  
此言有理齊曰就煩衆紀子大二人為頭程日陞號砲夜放火箭  
以便觀望跟天生曰如此却好暫且過去調理衆各告別十五日

天明思齊船中號炮三响各船魚貫隨行計八晝夜方到臺灣即  
安設幕寨撫恤土番然後整頓船出掠悉得勝焉故閩浙沿海咸  
知思齊等踞臺灣橫行一官父紹祖已死季弟憐二

後名芝虎

同其四弟芝豹從兄芝完附搭漁船往尋是以穀勢愈大天啟五  
年乙丑秋九月思齊因往猪勝山打圍回來即今嘉義縣飲飲過  
度隨感風寒自知不起與天生諸人訣曰共事二載本欲與諸君  
共取富貴豈知今日染此重症中途分別天生等慰曰疾病人所  
時有調輯自好何必過戚齊曰非不知調輯即好奈天数已盡難  
與諸君揚帆波濤中耳言訖嗚咽而死天生等即殯殮設位衆軍

掛孝完百日方祭奠除靈十二月初二日天生集諸位商議再推  
一人統衆方可果卿曰弟有一言奉告不知列位尊意如何衆曰  
所言合當豈不遵之理果卿曰我們這番作為雖未得日本而禍  
不臨身兄弟們又完全此乃皇天庇祐今欲再舉一人統領諸軍  
弟恐新舊愛惡不同倘苟且從事自相矛盾反為不妙然統衆亦  
非易事當立香案禱天地將兩碗擲下連得聖筊者而碗不破者  
即推之為首管見如此不知有合衆意否衆曰此論最當庶無後  
言隨辦香案衆各拈香跪告畢依序向前拜祝兩碗擲下粉碎無  
一存者咸踴躍焉唯一官尚未擲又忽其年輕一官跪禱將兩碗



擲下恰好一箇聖筊而碗不破衆皆駭然一官取起再擲復如前  
裴紀曰我不信取原碗當天告祝曰我茅大奇已死欲推一人領  
軍天若助一官再賜兩筭衆愿相扶連卜兩聖筭碗不破間有不  
信者禱祝擲下復如前如是者數屈指數之共成聖筭三十衆齊  
閩曰此乃天將興之誰敢違之吾茅愿傾心矣天生曰當選吉日  
楊經曰初八日大吉我們尊拜一官為首

按歷明季諸事多說拜劍躍起遂扶芝龍為首又一說芝龍與  
陳裴紀陳勲等十八人各乘一舟亡臺灣為盜風引桅帶撓而  
為一各駭誓曰議以三通而開者立為主帥至龍忽聞此皆互

疑西可難為信史余先君諱美鰲生同時從永勝伯鄭彩翔弘  
光督師江上繼而福州共事署龍驤將軍印丁巳改職歸誠往  
粵東連平州始末靡不週知口傳耳受不敢一字影捏故表出  
之噫使當時即亡臺灣為盜既名芝龍則成功何從而生於後  
作何附會鄭芝龍平鄭一官功題請致崇禎問林釭芝龍一官  
是一人是二人釭愕然不能對奏曰臣待罪京師梓里之事不  
能詳知容查寔回奏出遂服藥死據云十船相連尚隔十有餘  
丈二丈之間不知沿海難比河船駕相近則兩船必有一船碍傷灣  
溲落槳若相近則兩船亦難獨全兩船且難相近何況十船之

梳帶可攬而為一乎附辨於末以待采風者擇之

附紀

按芝龍從顏思齊為盜時名一官至齊死結十八芝渠為首名芝龍於招安時重略當道縉紳獨林銓不見其使不受其札反其牘背署之曰人有向善之心而不與人為善者非也與人為



善而又因以為利者亦非也遂以義士鄭芝龍叔鄭一官功題  
報後報鈐拜相一日侍講崇禎偶問及鈐以有人密奏其事不  
敢對附會其說而出即服藥死

第三卷

第五回

合衆共結十八芝

感恩唯憑一封書

却說初八日衆欲扶一官為首一官曰弟年譜在諸兄之下豈敢  
越分天生曰此乃卜之於天不可逆也一官曰既卜之於天亦當  
決之於人前大哥在日諸公在上弟不敢置喙今日蒙舉為首有  
一番整頓上下分明賞罰至公雖親疎之屬無異倘從如前無上  
下之分別無賞罰之法令弟決不敢承此座天生曰不意吾弟年  
紀雖輕議論大有經濟果卿曰經濟豈在年紀周瑜年十三歲尚

為都督追赤壁專師程普不服及觀其調度甘拜下風今吾弟所  
言衆愿折節相事拱聽約束一官曰既承諸位長兄以天意相推  
見許但初八期亦太逼恐脩辦不及况是戌日與弟命不合一官  
是甲辰年故戌  
日與他奉命相冲我看十八日申日申子辰會合且脩物件亦得從容

天生曰如此最妙今欲脩辦何物一官曰旗幟者乃軍中威儀不  
可不新當一概更換並中軍帥旗一面俾衆咸知所尊糧餉者乃  
衆軍命脉不可不積專主要得其人船隻器械乃衆軍衛身以禦  
敵不可不堅利而時為修葺決策取勝須得籌畫佐謀之士爭先  
破敵全賴奮勇雄略之夫鼓勵則賞罰當明榮辱則升降必慎故



令出衆知所尊然後進可取而退可守不但踞此蕞爾之地即橫  
行天下誰敢與敵我今擇於十八日承接統領諸軍除佐謀督造  
主餉監守內外另選十八位作先鋒衆曰謹受教一官曰我今為  
首取名芝龍吾弟芝虎芝豹芝鵬芝鶴後改名芝完芝燕其餘一十  
二名芝鳳芝彪芝麟芝豹芝獬芝鵠芝鶚芝熊芝蛟芝蟒芝鳶等  
各寫就放盒內告天拈着者即名之以應十八日之數天生向衆  
曰據所言井井有條隨分遣脩各色旗號并收拾器械物件候用  
十八日金鼓齊鳴三報砲响中軍船上監起帥旗一官即以天生  
果卿為參謀秉紀子大為監軍陳勲林翌為督造監守楊經李英

管理一應糧餉自名芝龍

一官此後悉名芝龍

其胞弟芝虎芝豹

功弟芝鵬芝鶴族弟芝燕餘十二芝當天拈就名數各拜天地祭  
獻海岳以及舊主恩齊畢三讓然後登座曰芝龍菲才既承諸公  
推舉惟天在上可表厥心外則君臣之分不敢借私恩以害公內  
則兄弟之情不敢假公威以背義倘有不及仰賴諸公指示若在  
行間同仗諸公協力山河帶礪富貴與共衰紀曰公卽以正孰敢  
不正天生曰衆人碌々全賴主公提調芝龍曰凡事預則立故天  
時地利人和得一即可有為衆曰然遂設宴慶賀盡歡而散芝龍  
既為衆所推統領諸軍卽料理船隻整頓器械件件完備天啟六

年丙寅二月龍集衆會議曰今諸務頗已就緒豈可坐老其師哉  
欲領戰船十隻吹哨三隻配坐前往金廈一以覘邊二可取糧餉  
不知諸公意下如何裴紀曰主公此舉甚是夫人情則力憊勤則  
思奮劉先主之所以泣髀髀生肉也芝龍即令果卿裴紀調撥船  
隻並選精壯勾配果卿二人前去派定開單送閱第一號先鋒芝  
虎芝燕第二號先鋒芝鶚芝勇第三號援剿芝彪張弘第四號援  
剿芝獬李明第五號衝鋒芝蛟芝鵠第六號中軍主帥叅謀天生  
果卿左右親軍芝豹芝熊第七號護衛芝鶴陳裴紀第八號遊哨  
芝麟陳勲第九號監督芝麟吳化鵬每船各配六十人第十號哨



探船仔船二隻芝鳳芝鳶各配二十五人悉給口糧一月擇三月初三日出師其餘林翌楊經李英高貫方勝傅春芳領諸軍看守寨柵芝龍看畢曰調度得宜但不知先往何處秉紀曰今南風已發呂宋船以及暹羅絞嘮巴各港皆回可將船從澎湖下緩之坐風半逆半順揆至柑桔芳候柑桔海石名銅山對面龍是其議至初三

日連船出港行二晝夜初十早龍令人工桅現望者曰看前山不

是南太武就是北太武

南太武係漳鎮海衛在廈門之下北太武係泉同安地在廈門之上

龍曰夜

來南風駛上為是遂傳令各船火炮軍器勿得參差初十日犯金門十八日犯廈門四月秋下犯粵東之靖海甲子地方時太平日

久人不知兵衛雖有指揮千百戶水澎金門遊擊欽依把總諸官  
悉承蔭襲寬衣大袖坐享君祿其所管軍士亦撥点而已故芝龍  
得肆志遇船一鼓而擒登岸搶掠殆盡其略有紀律者不許虜婦  
女屠人民縱火焚燒刈新稻穀彼乘風橫行羽檄飛報沿海戒嚴  
當事者咄之半籌莫展唯查芝龍係泉州府庫吏鄭紹祖子六歲  
時曾受知府蔡善繼擲石不責之恩即起善繼泉州巡海道招安  
芝龍善繼抵任又奉巡撫朱欽相檄差旗鼓黃昌奇賫諭出海招  
龍

按昌奇原是泉州府礼房有口才與紹祖共事迨建為海道委為接門旗鼓事

時芝龍統船隨風馳逐適逢雨水不順失於收成富者過糴米價

騰貴遊手好閑悉往依之芝龍將奪來船隻分配駕駛因而日盛  
邇將望風披靡不敢與敵偶燂洗諸船於湄州忽報海道差官到  
龍廷之上船昌奇曰數載不見果然一表魁梧真將軍也龍曰流  
落海外久離鄉井凡諸親友有失問候今日何幸逐波濤而屈臨  
至此執手至官廳叙禮獻茶畢昌奇曰老拙與令先尊共事將軍  
終有六七歲頑耍丟在擲着太守烏紗帽本府就贊將軍非凡將  
軍還能記憶否芝龍曰兒童時事影響略知昌奇曰現任海道即  
當日將軍所擲之太守也龍曰呵海道就是當時太守昌奇曰然  
知將軍揚名海外恐為沉迷專遣老拙前來相勸有諭在此芝龍



接諭折開書曰

尔齡歲時儀表可愛豈料壯年海濱寄跡使聞之惻然諒情  
非得已耳今特遣旗鼓黃昌奇前來宣諭及尔部屬人等幸  
勿久恋迷津湏當速登彼岸本道當為力請賣刀買犢永作  
聖世良民從此安插復業歸農坐享和好室家言出於衷幸  
其聽之此諭

龍覲畢曰海工弄兵原非本意因寄跡東洋

日本在東  
故曰東洋受困倭人

迫而成之既承道憲嚴命豈敢固執以負德意自當與諸領商之

第六回

芝龍拂意仍歸海

芝豹獻計密登山

却說芝龍心感善繼之德遂傳集衆頭領曰我想颶颶海外虛度歲月總無了局今道憲招安意欲就撫不知諸位心曲何如裴紀曰主公受撫道憲決垂青我等並無夙昔之交雖今日藉主公餘庇倘後來道憲陞轉官勢羅織有司不諱那時進退維谷乞假我船隻仍回臺灣同李英觀看主公得意我等再來相尋未遲不知主公允否龍曰裴紀兄所言是一着豈有不聽之理果卿天生子大陳勲等一十三人齊向前請命欲與裴紀同去龍即撥大小船

六隻糧餉薪蔬布帛器械俱各滿足分之過臺芝龍統船十二計  
衆八百餘同昌奇入泉州港詣轅門去衣帽龍與芝虎芝豹等二  
十人背綑泥首階下善繼令釋其綑賜衣服慰撫之曰尔原是良  
民有家子弟生在公門况又一親堂堂雖尔父已死應立志以圖  
上進光耀門閭何忽作乱階飄流海外而暴棄至此倘非本道豈  
能丸全今既翻然悔悟貴於自新本道應為尔詳請上憲通行府  
縣安插得所芝龍曰此寔迫於倭番不得已也非龍敢萌此不肖  
之心善繼曰誰能無過第患知而不改今爾既知自是完人將來  
功名未可量也龍等叩首稱謝出守候軍門安插回父



評曰昔日高牙劍戟尊今朝低頭叩轅門一書非是能饒舌  
欲報當年擲石恩

豈料豈巡撫朱欽相染病甚重一切事務悉暫擱起月餘方愈檢  
閱文書見芝龍已招安立批誣道即為安撫並將軍器追存造冊  
報繳善繼見批即着昌奇將芝龍所帶人衆開造籍貫坐址以候  
發文行縣安撫一應軍器船隻另造冊以便繳報龍許諾造完即  
繳昌奇去芝虎芝豹說曰虎不可失威人不可失勢今當事舉動不  
過欲散我們党羽耳党羽一散將來禍福未定不如乘今夜潮退  
揚帆而去龍聞言俛首不答芝豹曰三哥所言誠是不可錯過追

悔莫及龍曰難背道憲一片好意芝虎曰不提道憲還可若提道  
憲早該去了龍曰何說虎曰道憲書欵如此安插我們以為恩莫  
大矣安望其有格外乎汝又未授官職倘後來有事衙門深遠那  
時呼應不來寧將奈何龍頓悟曰若非吾弟提醒幾乎為其所算  
遂囑芝虎密傳收拾於是夜三更放砲三聲隨潮而去

評曰因無薄祿難西羈繫拘使奸雄脫籠飛

話說芝龍將船隻駛到圍頭外灣泊善繼聞報知芝龍仍逸去憤  
曰這輩小人反覆不測真難憑信既不受撫德化則當法處之隨  
發文各衛所府縣整脩以防剽掠另具文申詳軍門時朱欽相內

擢超陞新巡撫朱之馮尚未蒞任剿撫之議緣此耽擱芝龍得以  
從容將各船燂洗整頓帆蓆繚路軍械旗幟乘北風下粵之海豐  
攻打嵌頭又犯甲子靖海二所崇禎元年戊辰正月龍從粵回閩  
銅山沿海戒嚴龍全隊泊漳浦之舊鎮朱之馮檄驍將都司洪先  
春把總許素心陳文廉合剿之馮字勉齋進士大邑人龍偵知令芝豹領船  
五隻敵先春芝彪領船五隻敵文廉芝虎領船三隻敵素心龍與  
芝鳳茅率大隊從中接應又着芝鵬各領快哨三隻作遊兵救援  
遂各進師相遇連江將軍灣漳浦縣屬先春揮船合進互相攻擊自辰  
至酉衝衝突數十次不分勝負會潮漲風起流逆素心文廉二船



被流所脫不能成艤先春首尾受敵無奈收入舊鎮檄銅山懸鐘  
陸鰲鎮海指揮千百戶調撥精壯軍士前來配駕另吊附近沿海  
鄉勇各出脩補芝龍見先春收入舊鎮亦不追趕就鳴金收軍泊  
陸鰲外巽忽細作報洪先春調各衛所軍士配船并鄉勇齊禦不  
日即出兵龍亦整船練將欲決雌雄芝豹向前獻計曰洪先春奉  
巡撫差遣便於調撥何不將計就計破他龍曰計將安在豹曰乘  
彼舊鎮調撥軍士鄉勇我帶一旅分為兩隊登岸辦作鄉勇前去  
策應哥之即統大隊攻擊俟將交鋒時我在所上殺起彼則水陸  
受敵一鼓可擒龍曰此計甚妙可乘今夜人靜悄悄帶衆登岸須

要小心不可露出圭角豹曰自然相機而行哥亦連整船前來  
豹將海豐搶得鄉壯旗結起挑選二百人乘黃昏帶芝麟上所











